

Swcigih Dangjvej Dungjcanbu Daengz Ningzmingz Yen Diuyenz

3 nyied 5 hauh, Swcigih Dangjvej Dungjcanbu cangzvu fubucangj Linz Vaizyungj daiq cujdiuyenz daengz Ningzmingz Yen diuyenz hong dajcauh rangh guhyiengh couqmaenh gij eiqsik caezcaemh Cunghvaz Minzczu.

Cujdiuyenz daengz Ningzmingz Yen Caianh Yangh Yaden Cunh Mbanjmajdaih、Aiden Cin Aiden Segih Mbanjnazfungz、Aiden Cin Ganh'ai Cunh Mbanjbanjanh, saeddieg bae cunz yawj gij cingzgvang dajcauh gak giz diemj guhyiengh. Cujdiuyenz haengjidingh le gij cingzyauq hong dajcauh gak aen diemj guhyiengh, nyinhnaeuz

Ningzmingz Yen dangjvej、cwngfuj gig yawjnaek, haenqrengz cihciz, siengjap cingcuj, banhfap miz rengz, fwnhveiz dajcauh couqmaenh gij eiqsik caezcaemh Cunghvaz Minzczu naekna. Cujdiuyenz ceijok, it dwg gak diemj guhyiengh aeu doek'ok gij neiyungz sienqmeh "couqmaenh" daeuj doicaenh, yungz haeuj dungjcan caeuq minzczu doxgiet yenzsu, guh daengz "saedguh dwg gaenjaeu, cauhamoq guh hoenz"; ngeih dwg laebndei swzgangjgaj, aeu habdangq loihhingz diemj yienhciegz (cauhlaeb suenranz cingsaenz caemh miz Cunghvaz Minzczu、doidoengh gak minzczu doengzcaez byaij coh sevei

cujyi yendaiva、coicaenh gak minzczu samgyau、daezswng minzczu swvu ceihleix suijbingz caeuq ceihleix naengzlig dijhi yendaiva、fuengzre minzczu lingjyiz fungyiemj huxndumj) gangjgaj, caemhcaiq yungz gij laeh sengdoengh doxgven haeujbae; sam dwg aeu caenhvaiq caz laeuh bouj vangq, bouhfaenh diemj yienhciegz aeu engq daezswng fwnhveiz, doed'ok gij neihanz ndaej coicaenh gak minzczu "sam gyau".

Gaenlaeng, Ningzmingz Yen yaek itcig aeu couqmaenh gij eiqsik caezcaemh Cunghvaz Minzczu guh diuz sienqmeh gak hangh hong, haeujlaeg vat gij neihanz Cunghvaz

conzdungj vwnzva maenhndei, yungz "haj aen caezcaemh" caeuq gij neiyungz gak minzczu samgyau haeuj swzgangjgaj bae, gangj ndei gij goj caezcaemh Cunghvaz Minzczu. Haeujlaeg saedhengz giva lijyouz coicaenh gak minzczu samgyau, laebndei gak hangh banhfap, guh ndei fuzvu, mboujduenh lai hawj gak cuz ginzung roxnyinh ndaej daengz、roxnyinh vuenyungz、roxnyinh ancienz, doidoengh Ningzmingz Yen hong dajcauh diemj guhyiengh couqmaenh gij eiqsik caezcaemh Cunghvaz Minzczu yamq coh mbaek moq.

(梁宇晴/Liengz Yijcingz)



▲Gyoengq mehmbwk daenj buhvaq gyaundeidei yienjok.

Yungzsuij:

Baijiyengh Ndangdaenj Minzczu Hoh "Sambet"

3 nyied 7 hauh, youq Liujcouh Si Yungzsuij Myauzczu Swciyen Mbanjmunghvuh guh minzczu ndangdaenj baijiyengh, 24 aen doih 300 lai boux Myauz、Yauz、Dung、Cuengh daengj minzczu mehmbwk daj yienh、yanghcin、ndaw mbanj daeuj doxcomz giz ndeu, baijok gag minzczu ndangdaenj angqhoh ciet mehmbwk "sambet".

(龙涛/Lungz Dauh)

Hozciz:

Cunghyih Vwnzva Haeuj Hagdangz

Gaenh geij ngoenz neix, Hozciz Si Yizcouh Gih Cunghyih Yihyen caeuq Yizcouh Gih Saedniemh Siujyoz Sihbingz Yaugih guh cawjdaez hozdung "Cunghyih vwnzva haeuj hagdangz goyw homfwt nyinh sim lwgnyez". Baez hozdung neix muzdiz dwg fatyiengz Cunghyih vwnzva, hawj Cunghyih cihsiz byaij haeuj hagdangz, hawj hagseng lai yinx Cunghvaz conzdungj yihyo, beizyangj gij vwnzva gagsaenq caeuq eiqsik ndangcangq gyoengqde. (吴银飞/Vuz Yinzfeih 唐诗璐/Dangz Sihlu)



▲Canghyw caeuq siujhagseng itheij ndaem goyw. Vuz Yinzfeih ingi



▲Hekyouz youq ndaw naz byaek yawj va.

Yinhcwngz: "Byaekva Ginghci" Daiq-doengh Lajmbanj Lijyouz Hwngfat

3 nyied 6 hauh, Laizbinh Si Yinhcwngz Yen ndaw Yinhyihcauj Canghyenz byaekva hailangh, gizgiz cungj dwg heiq seizcin, supyinx hekyouz daeuj yawj va, angqyangz yienjsouh seizcin gyaundeidei. Gaenh geij bi daeuj, Yinhcwngz Yen roengzrengz hwngfat canjnieb "byaekva ginghci", aeu nungzyez、vwnzva、lijyouz yungzhab doidoengh lajmbanj lijyouz hwngfat, coenghrengz lajmbanj saenqhng. (樊绍光/Fanz Caugvangh)